

Kalaallit Nunaanni piffissap suliffiusartup sapaatip akunneranut nalunaaquttap akunnerini 40-it sapaatip akunneranut nalunaaquttap akunnerinut 35-inut 37-inulluunniit appartinneqarnerata aningaasaqarnikkut, inuiaqatigiinnut peqqissutsimullu kingunerisassaanik misissueqqullugit Naalakkersuisut peqquneqarnissaannik Inatsisartut aaliangiiffigisassaattut siunnersuut. Misissuinerup inernera 1. januar 2027-iutinnagu Inatsisartunut agguanneqassaaq.

(Inatsisartuni ilaasortaq, Karen Marie Kyed Frederiksen, Demokraatit)

Akissuteqaat

(Isumaginninnermut, Suliffeqarnermut, Ilaqutariinnut, Nunamullu Namminermut Naalakkersuisoq)

Aappassaaneerera

Karen Marie Kyed Frederiksen-imit, Demokraatimeersumit saqqumiunneqartumut, sulisarnerup sivilissusaanik nalimmassaanissamut siunnersuummut tunngasup, siullermeertumik eqqartorneqarnerani, Naalakkersuisut sinnerlugit Inuussutissarsiornermut Aatsitassanullu Ataatsimiititaliaq peqqissaartumik suliaqarsimanagera pillugu qujaffigerusuppara. Siullermeerneqarnerata kingorna siunnersuut Inatsisartut Inuussutissarsiornermut Aatsitassanullu Ataatsimiititaliamut ingerlateqqippaat, tamatumani Muté B. Egedep, Nunanut Allanut, Inuussutissarsiutinut Aatsitassanullu Naalakkersuisup oqaaseqaataa ilanngunneqarluni, tassani kissaatigineqarluni iluarsiissuteqartoqarlunilu misissuiffigineqartut sukumiinerusumut saatinneqarnissaaq, sulisartut suleqatigiiffiisa peqataatinneqarnissaaq eqqarsaatigalugu.

Aningaasaqarnermut Naalakkersuisoqarfiup isumaqataaffigivaa, pisortat iluani siusinnerusukkut sulinerup sivikillineqarneranut tunngasunik misissueqqissaarnernik imaluunniit misileraanernik ingerlatsisoqarsimanngitsoq. Taamaattumik sulinerup sivikillineqarsinnaaneraniq periarfissaq eqqarsaatigalugu inuiaqatigiinni aningaasaqarnermut tunngasunik, sulisarnermut tunngasunik, aammalu inuussutissarsiornermi immikkoortortanut sunniutigisinnaasaannut tunngasunik, sukumiinerusumik misissuinnissaq kissaatiginarpoq.

Ataatsimiititaliap maluginiarpaq, aalajangiiffigisassatut siunnersuummi siunnersuutigineqartoq, sulinerup sivikillineqarnerata kingunerisassai pillugit misissuissinissaq, apeqqummik kingusinnerusukkut oqallisiginninnissamut tunngavissaqqissuusooq.

Naalakkersuisut isumaqatigiissutigaaq, misissuinnissamut piffissaq annertunerusoq atorneqartariaqartoq, innersuussutigalugulu misissuinerup inernera Inatsisartut akornanni 2027-ip naanerani agguanneqassasoq.

Peqqissutsimut tunngasuni misissuinerit ukiorpassuit peqqinnissamut tunngasutigut ilisimatusartut misissukkat malinnaaffigisarpaat. Tamanna apeqqut ilisimatusartunut tunngavoq, ilanngunneqarnanilu.

Taamatut isumaliutersuuteqarlutik Naalakkersuisut allannguutissatut siunnersuuteqarput ima:

“Inatsisartut aaliangiiffigisassaannik Naalackersuisut misissuinermik ingerlatsinissaannut, peqquneqassasut. Tamatumani nunatsinni sulinerup sivilissusia ullumikkut sapaatip akunneranut nalunaaquttap akunnerinit 40-niit nalunaaquttap akunnerinut 35-nut imaluunniit 37-nut appartinneqarpat, sulinerup sivikillineqarnera inuiaqatigiit aningaasaqarnerannut, sulisarnermut tunngasunut, naligiissitaanermut aammalu inuussutissarsiornermi immikkoortortaqarfinnut qanoq sunniuteqassanersoq misissorneqassalluni.

Misissuinerup inerneru Inatsisartut akornanni 2027-ip naanerani agguanneqassaaq.